



先秦 — 清末民初

中國野史集成·續編編委會  
四川大學圖書館  
編

# 中國野史集成

續編

錢謙題




巴蜀書社

中國野史集成·續編編委會  
四川大學圖書館 編

·先秦——清末民初·

# 中國野史集成續編



巴蜀書社·中國·成都

目 錄 (第二十七册)

國朝掌故輯要	一
皇朝瑣屑錄	三一九
金壇獄案	七一九
過墟志	七二一
戴重事錄	七三一
東塘日割	七三二
五藩禱乘	七四〇
安南使事紀要	七五〇
盾 墨	七八八
平定羅刹方略	八一九
乾隆英使覲見記	八四四

光緒壬寅夏月

# 國朝掌故輯要

星沙王先謙題

昌江岳雲  
山館梓行

叙

昌江一靈傑之區也。幕阜連雲得乾坤正氣積數百年而一洩故十三君子疊出其間。生其後者既攬名勝又沐宋儲道風。縱不盡高言性道而鍾其雋秀必有矯然特出擅才學識三長者嘗觀邑志藝文如李嘗之古今評史李自芳讀史攷鍾靈史餘散草類皆以史學名家。惟艾而康抗心希古以述史明道為己任。續綱目大全乃本傳不載豈有其目而無其書歟。甚矣成書之難也。林子雲區平邑績學士也。生今之世。用今之禮。其志專主乎從周自。開國以來金簡玉函凡有闕。國朝掌故者博觀而約取成書。

國朝掌故輯要

卷一

一

涵文閣

二十四卷。顏曰輯要。昔晉賈之督學朱青夫官詹矣。計云班固之成書也。出自家庭。陳壽之草志也。私室而起。龍管言之矣。宋陳均詔撰九朝編年。備要。詔北宋九朝事迹。大抵據日歷實錄。參以李燾長編。而以他書附益之。宋熊克著中興小紀。起建炎丁未。迄紹興壬午。以小別之明。非官撰也。茲閱所輯。年經月緯。增簡刪煩。綱舉目張。有條不紊。殆變班陳之面貌。步陳熊之後塵乎。努力輯成。定當不脛而走。風行海內矣。後十餘年。南海洗雪。明府來宰斯邑。慨然據羅文獻。得是編而評之曰。讀輯要二十四卷。具見本原。自編年變為紀傳。大漢以後。罕有精本輯要仿

依荀氏家法於 國家經制能舉其綱一人一事有本有末足徵心得編成藏事請付之手民以惠學者且非久遠是二評也足弁簡端矣而乃以序言屬予予何言哉恭讀諭旨講求實學丕變舊章以衆論經義取士並合中外政治史事藝學定爲程式舉二百餘年軒括之積習一舉而新之是誠識時務者所宜留心也林子纂言紀事匪直提中國之要時亦提外國之要將以擴中外一統之基而不徒以編年見焉此說又定公讀通鑑舉要所以稱爲典要之總會也作者之意其在斯乎其在斯乎若夫體制謹嚴別龍門而宗涑水不愧名山著述前二評已括其要矣

切肅贊光緒壬寅秋七月清泉城元凱跋

國朝掌故輯要

卷一

國文閣

贊

天差而西歲差而東孰克典以測令世之天而天淵矣十載溼九九河關入執玉貢以度今世之地而地錯矣韓子謂非三代兩漢之書不敢觀蓋稽古之事云然居今之世策今之治則 本朝 列聖之書者舊之蹟可忽視乎墨子之法夏也儒者訟言非之爲其反古也管子變周非盡論於周也而已基霸道之始荀子曰道過三代謂之蕩法二後王謂之不雅荀之法後王也蓋取其切近而易於行也所謂欲觀帝王之迹必於其繁然者乎 國朝政典勅皇相積二百餘年矣祕館所登宿儒所采竝有專書從無

國朝掌故輯要

卷一

國文閣

提要之作林子雲區迫宗方史規通鑑體製成書廿四卷顏曰 國朝掌故輯要竊嘗讀之殆有卓軼古今者乎古有經無史司馬氏辨爲史例歷代因之曰書曰紀曰傳曰志曰典曰畧曰紀要多借才異代以成一代之書林子生於當代取當代貞元運會之故絲其行事裁以識斷起自興王迄於 穆宗以 本朝爲疆畔是卽春秋齊一統之義與今入下多故矣 天子刻意求才深悉時文靡儼無當濟世之宜乃令頒實學仿漢唐策士之條重試策論設經濟特科俾天下士買事求是胥勉於有體有用焉甚咸舉也而侈習作者輒編輯方言稗史異域奇書周布天

下謂以是博通中外則人才出也而人心已深受其惑矣  
林子惟兢兢於我朝 聖訓尤節取名臣奏議詒禮樂  
兵農諸大政撮要審中務成完本一切鬼瑣不經之談削  
不登錄豈第嚴體例哉以治法莫詳於是也嗚呼誠有志  
於經世之畧乎然則處今世而言經世毋侈言變法也善  
守法焉亦不變之變矣 定鼎以來勝朝所不便於民者  
列祖 列宗已酌劑而釐剔之開國之天下不啻大治  
矣哉治開國之天下曷不可治今世之天下揚子云眾務  
紛錯懸諸天羣言淆亂折諸聖今日謀國者紛紛矣且務  
談新法矣稽 列聖之典行 列聖之政以復 列聖之

國朝掌故輯要

卷一

治將

治將於是編有賴焉爰爲之叙以質諸當世之留心時政  
者光緒壬寅夏五月新化張伯基拜叙

叙

詔曰剛日讀經錄日讀史揚子雖曰多聞則守之以約多  
見則守之以卓史爲經翼顧不重乎士人潛修爾室博覽  
羣書上下數千年縱橫九萬里尙當體會胸中而資考訂  
況食毛踐土深荷 君恩者哉 國家 禮恩 厚德集  
古無兩史臣載筆信而有徵矧 聖祖仁皇帝 高宗純  
皇帝及各屢降 諭旨謂朕之政治天下人必共知之芻  
蕘之采士庶不遺胥是道也林子雲區績學士也歲辛丑  
出所編輯 國朝掌故輯要二十四卷見示年經月緯攷  
覈翔明知其所守者約故能化泛濫爲謹嚴所守者卓故

國朝掌故輯要

卷一

叙

鴻文閣

能變繁縟爲精當洵足信今傳後垂示永久云光緒辛丑  
冬十一月星沙張伯基拜叙

叙

自海禁開強寇流騁駭政外交日不暇給時變者乃  
致意於興學育才謂當察千載賦衰之理衡五洲強弱之  
形因時制宜取長益短民智大啟國勢自張然而四庫所  
儲編讀難備新理日出轉譯滋多橫舍昨臨畢世莫究三  
年之艾庸有冀乎是故昔之著書也貴詳今之著書也貴  
簡黜破碎之習省迂迴之程惜其時力微諸實用節則易  
從信不誣矣且夫宇內萬國載籍可考有政有教中國最  
先唐虞以來世禩綿邈因革損益史不絕書然未有如我  
朝 聖聖相承重熙累洽功德之盛民無能名者也願

國朝掌故輯要

卷一 教

鴻文閣

史官載記中秘罕窺諸家撰錄卷帙繁重夫徒述先代之  
舊與探域外之奇而叩以 本朝掌故則儻乎無所聞是  
何異戴高者不知有天推本者自忘其祖狗人而遺己  
守古而昧今吾未見其可也今林子是編以年統月以事  
隸日好學深思博觀約取書凡二十四卷而我 朝二百  
餘年之紀綱本末釐然粲然一覽胥可得焉其於研求當  
世之務豈曰小補之哉長沙陳保彝叙

叙

史者編年紀事尼父著春秋魯史而成故曰述而不作自  
司馬史記變質紀傳表書班氏漢書因之晉令云國史之  
任委之著作每著作郎初至必令撰名臣傳一人自是體  
益變文益繁例亦益增其間得失是非遂遞相掩據而粉  
實錄皆作也非述也至溫公通鑑崇陽糊口釐正史例恪  
遵尼父眉目昭然庸儒淺陋又謂委巷樵額之士不足編  
輯國史孰是說者匪獨不知班氏漢書陳氏三國志始皆  
撰諸私室並不知春秋左傳當年亦皆私藏越數百年而  
行世也林君雲區精粹史學弱冠嗜史取廿四史精義編

國朝掌故輯要

卷一

教

鴻文閣

取韻語十卷待梓晚論稽古而考今欽仰 國朝 聖聖  
相承 深仁 厚澤超邁千古鈔摘本 朝紀錄各種書  
暨邸鈔奏報芟繁撮要用編年紀事史例名爲 國朝掌  
故輯要此有關於忠奸進退制度興革兵事終始足爲後  
鏡不厭其詳而翦截滓穢不厭其簡誠述史之練達者歟  
劉子元史通曰國史之美者以敘事爲工敘事之工者以  
簡要爲至文約而事豐此述作之美者也林君可謂工述  
者矣光緒辛丑夏四月黃乃正拜敘

例言

一 國家光宅幽夏幾三百年 厚澤深仁淪浹肌髓漢唐以下莫與京也前代朝政編爲實錄其太液池真藏星史歲朝臣非頂纂修皆不得見我朝頒發方畧聖訓中外臣民皆得仰窺 請典賜賜潤視方策炳麟甚幸事也自是名宿輩出其以 列祖 列宗政治編新爲書者不啻數十百家以視南宋以來舊本藏之秘府相去天淵但書籍浩繁購閱爲難是集專道 聖訓旁采各家專集成書二十四卷名曰 國朝掌故輯要卽書所謂詞尙體要也

國朝掌故輯要

卷一 國音

滿文閣

一 史家有歷代編年竹書紀年以下是也有一代編年苟悅漢紀以下是也自是以降司馬氏先有稽古錄李氏燕有納資治通鑑長編林氏嗣有皇鑒彙要明鄭氏慎有吾學篇皆以國史編年我朝龍興遼瀋 列聖繼承若 聖武記 皇朝武功紀 威嘯亭雜錄 東華錄等書於歷朝事跡多所采摭若平定三藩朔漠台灣羅刹西藏金川青海回疆廓爾喀臨清教匪天理教匪川陝楚教匪苗匪髮逆捻逆方畧多載武功若 皇朝三通會典律例五禮通考讀禮通考學政全書多載典制若滿漢名臣傳先正朝畧奏對單記者庶幾徵各家奏議

多載政治若一統志郡國利病書中外一統輿圖方輿紀要藻環志畧海國圖志乾隆府廳州縣圖志多載輿地若 省方盛典 南巡盛典多載 天章叢集於各書籍皆有節錄一切神官野史不經之說概不登載其體例則仿照官文恭平定粵匪紀略蓋猶是荷悅漢紹意也

一 國家政治有前代萬不能述者一審世 儲貳一蠲免錢漕一永停編審一滋生人丁永不加賦一攤丁地畝一不任中官外戚一嚴禁朋黨一除廷杖鎮學大臣凡此數端真能體堯舜舜既股肱育周茲集於此數端敬

國朝掌故輯要

卷二 國音

滿文閣

謹登錄以見中外歌功詠德之由以垂臣子更章生事之戒  
一 恭錄 諭旨有數十言錄數百言數十言者有數百言錄數百者其他節鈔各種書籍靡不肯然蓋限於篇幅不能全載且讀先正編纂諸書原有是例並非割裂  
天命天聰崇德上溯 肇 興 景 顯 四祖暨朱果降祥事實備載 開國方略茲集於 龍興時事附世祖章皇帝提綱之下以見造宮自毫之意 今上億萬年政事俟續編  
一 編譯人名言人人殊如布那敏一作卜羅呢都一作布

拉呢敵策支那布坦一作策妄阿拉布坦阿睦爾薩納  
一作阿爾薩納額倫特一作額凌特請如此類不可枚  
舉所見異詞所聞異詞所傳聞又異詞與各載籍不能  
盡合閱者商之

晉陶潛入宋不仕綱目以晉徵士陶潛卒書之注曰明  
其不願於宋也我朝優禮勝朝無微不至如張楊國  
孫夏峯王而農顧亭林武梨洲諸大儒在前明未登顯  
仕入本朝又未受徵聘然其羽翼文教二十餘年未  
可以顯義熙甲子之問曆比也茲集於各先正之卒惟  
大書姓名亦綱目書某某卒之意也

國朝掌故輯要

卷一 伊

三

鴻文閣

一 同治元年論曰外國交涉事件自道光三十年以後另  
編為書茲集仿照編輯四夷列傳史例其於外國事件  
異約紀載以見中外今昔之異交涉之難防杜之漸  
一 集內擡頭字眼照東華錄體例無論三擡雙擡單擡均  
空一格  
一篇幅狹隘掛漏殆盡惟撮其要以便家置一冊舟車携  
帶盡備管窺其實高深識者諒之  
光緒二十八年壬寅夏六月平江林熙春雲區識

國朝掌故輯要卷之一

平江林熙春雲區編輯

世祖章皇帝  
上姓覺羅愛新諱上一字福下一字臨滿洲人先是遼  
金末造有仙女浴長白山池吞朱果有身生聖人曰  
布庫里雍順居長白山東鄂謨惠野鄂多里城號滿洲  
即古肅慎地傳至 肇祖居赫圖阿喇地 肇祖生  
興祖 興祖有子六人築城分起稱甯古塔貝勒是曰  
六祖 興祖第四子生 景祖 景祖生 顯祖  
顯祖生 太祖 稱聰睿貝勒時圖倫城有尼堪外蘭藉  
明總兵李成梁戕 景 顯 二祖 太祖傷之詰明

國朝掌故輯要

順治元年

鴻文閣

遷吏明歸我 二祖喪 興敕三十道封龍虎將軍 太  
祖伐尼堪外蘭殺之乃定 國政制 國書 萬曆三十  
四年丙午蒙古尊 太祖為 神武皇帝以揚古利費  
英東額亦都履爾漢何和里為五大臣葉赫九國東海  
各部皆歸之乃設牛象甲喇崗山梅勒四額真又設札  
黃藍白四旗各以其色鑲之是為正鑲八旗之始 萬曆  
四十九年庚申 太祖建元天命瀋陽諸生滿文雅來  
歸命直文策 太祖因 二祖被明害以七大恨事告  
堂子征明撫順撫順克明臣王命印死必李永芳降  
薩爾濟之戰我勝明敗明之亡兆此役也 天啟元年

遼陽十一年都瀋陽十一年太祖崩立皇太極為太子是為太宗紀元天聰設八大臣及十六臣崇禎元年明陝西盜高迎祥起稱闖王三年我師伐明五年始造大礮定官職設六部明孔有德降命巴克什達海以國書十二字頭加圈點以示別七年明臣耿仲明尚可喜來歸以瀋陽名盛京赫圖阿喇名興京開科取士申定服式冠飾頂戴是為開科頂戴之始九年得傳國璽十年察哈爾內附取朝鮮明殺高迎祥李自成稱闖王我朝改元崇德國號大稱廷議太祖之子稱阿哥六祖之子稱覺羅封諸子為親郡王是為封

皇朝通志

順治元年

鴻文閣

王之始又設國史秘書宏文三院大舉伐明二年設議政大臣三年立六部理藩院入衙門三路伐明七年禽明薊遼總督洪承疇八年克明薊州兗州九年太宗崩立皇九子為皇太子康熙和太皇太后之所生也以明年甲申為順治元年初上未嗣立時多羅郡王阿達理因山貝子碩托擁戴睿王多爾袞自立於是禮親王睿親王自其言於眾質訊皆實阿達禮碩托皆伏法上既立以鄭親王濟爾哈朗睿親王多爾袞為輔政大臣攷太祖之子元妃佟甲氏生褚英生代善次妃察爾氏生莽古爾泰生德格類次妃葉赫約喇氏生

太宗皇帝生多爾袞生多鐸側妃伊爾根覺羅氏生阿巴泰庶妃阿代氏生陽古代生堪拜生巴布泰生巴布海生賴慕布上為太宗之子崇禎三年戊寅正月十三日甲午戌時生上於盛京孕十一月比誕之前太皇太后有紅光繞身侍女驚以為火近救不見又誕之先夕夢神人抱子授之曰此統一天下之君也在位十八年  
順治元年明崇禎十七年春正月庚寅朔帝祭堂子還御殿受朝賀禮成  
時諸藩使臣有跪拜參差者帝詢問知為阿祿喀爾

皇朝通志

順治元年

鴻文閣

喀使臣也以初投誠未嫺禮節帝置不問  
李自成僭號於西安○二月丁卯遣官祭先師孔子○三月丙午流賊李自成陷明燕京明帝殉國明大學士范景文等死之大監王承恩殉於側  
明大同總兵姜瓖宣府監視太監杜勳降逆賊李自成賊犯居庸關守將唐通太監杜之秩以開降三月十八日太監呼城上人請入城見明帝監視太監曹化淳繼之入內明帝怒叱之出杜勳曰吾輩富貴固在也及日曠化淳啟彰義門李自成統賊眾入明帝出宮登煤山自縊亭之海棠樹下太監王承恩對縊明中以髮覆

面服白拾短藍衣。元色鑲邊白綿紬背心。白紬褲。左足  
跌。右足有綾機紅方烏衣。前有御筆血詔云。朕自登極  
十七年。敵入內地。四豕滿賊。而近京。離朕薄德。匪躬  
上干天咎。然皆諸臣誤朕。朕死無面目見祖宗於地下。  
去朕冠冕。以髮覆面。任賊分毀。朕屍勿傷百姓。一人賊  
遣太監市柳木棺。枕以土塊。停東華門外。施茶巷。尋以  
丹漆棺殯帝。以黑漆棺殯后。加帝翼長冠。衮玉滌金靴。  
后袍帶亦如之。大學士范景文字夢章 吳橋人草遺疏。復大書曰。  
身爲大臣。不能滅賊。雪恥。死有餘恨。赴古井死。諡文貞 肥詮文也

國朝掌故輯要

順治元年

四

詞文閣

戶部尚書倪元璐字玉汝 上虞人整衣冠拜闕。大書几上曰。南都  
尙可爲。死吾分也。勿以衣冠斂暴我屍。聊志吾痛。自縊  
死。諡文貞 肥詮文也左都御史李邦華字孟開 青水人走宿文信國祠。曰。邦  
華死國難。請從先生於九京矣。爲詩曰。堂堂丈夫兮。聖  
賢爲徒。忠孝大節兮。誓死靡渝。臨難授命兮。吾無愧。吾  
投纆死。賜諡忠貞 肥詮文也兵部侍郎王家彥字問美 蕭山人自縊民舍。賊焚  
其一臂。賜諡忠貞 肥詮文也刑部侍郎孟兆祥字九吉 澤州人城陷時痛曰。社  
稷已覆。吾將安之。自經死。子章明甫成進士。兆祥擢之

去。章明曰。君父大節也。君亡父死。我何生爲。投纆父側。  
兆祥妻呂氏。章明妻王氏。相向哭。既而曰。彼父子死。忠  
矣。我二人獨不能死乎。皆自經。兆祥諡忠貞 肥詮文也左副  
都御史施邦曜字爾新 肥詮人仰藥死。賜諡忠貞 肥詮文也大理寺卿凌義渠  
字駿甫。門生勸無死。義渠厲聲曰。爾當以道義相勸。何姑  
息爲。遂自焚書籍曰。無俾汚賊手也。且日具緋衣。非關  
作書辭父。絕吭死。賜諡忠貞 肥詮文也左諭德馬世奇字君悅 無錫人見城陷  
日。吾死矣。僕曰。如太夫人何。世奇曰。正恐辱太夫人。旋

國朝掌故輯要

順治元年

五

詞文閣

二妾朱李自縊。世奇亦自經。諡文忠 肥詮文也太常少卿吳麟徵  
字照生。城陷自經。賜諡忠貞 肥詮文也右庶子周鳳翔字儀伯 浙江人以李自成  
據御座。鳳翔至殿前大哭。題詩畢。命曰。碧血九原。依聖  
主。白頭二老。哭忠魂。諡文忠 肥詮文也左中允劉理順妻葛氏。妻  
李氏先死。理順大書曰。成仁取義。孔孟所傳。文信踐之。  
吾何不然。投纆死。賜諡忠貞 肥詮文也檢討汪偉字叔度 休寧人自經死。賜諡忠貞 肥詮文也  
殺都給事吳甘來。字受和 歙縣人檢几上疏草曰。當賊寇縱橫時。  
徒持議論。無益也。盡焚之。無釣後世名。投纆死。賜諡忠貞 肥詮文也

御史王章字虞臣 武進人 罵賊不赦 賊怒殺之王忠烈 御史陳良

諫字士先 鄒縣人 聞帝崩哭曰 至上不冕服 臣亦不敢具冠帶 自

經死諫非也 賜諡恭肅 太僕丞申佳允字孔嘉 永年人 李自成陷居庸關 歎

曰 京師不守矣 貽子灑光書曰 行己曰義 順數曰命 義

不可背 命不可違 天下之事 莫不壞於貪生而畏死 死

於疾 死於利 死於刑 死於房帷 死於戰場 均死也 死

數者 不死君父 蓋亦不善用死矣 城陷 冠帶辭母 赴巨

井 死未死時 命僕告太夫人曰 有子作忠臣 勿滿傷也

國朝典故

順治元年 一 漢文閣

兵部郎中成德字元一 懷柔人 卽施茶菴 哭帝者 合門殉

難諫非也 賜諡介忠 吏部員外郎許直字爾若 如皋人 城陷 賊令百官報名

直曰 身可殺 志不可奪 自經死諫忠烈 賜諡忠愍 兵部主事金鉉

字依玉 武進人 見宣府陷 烽火逼京師 鉉請母逃 鉉母章氏年八

十餘 呵曰 爾受國恩 我不受國恩乎 麾下井 是吾死所

也 城陷 鉉死之 母亦就義 妻王氏隨之諫忠烈 賜諡忠愍 先是李

自成僭帝 國號大順 紀元永昌 至是自成升座 若有神

人擊之者 座下龍爪鬚俱動 自成恐 謀歸西安

夏四月 逮肅親王 豪格於獄 既而釋之

固山額真 何洛會等 計告肅親王 豪格 奪詞 悖妄 意若

曰 攝政睿親王 病夫也 不宜攝政 宜我攝政 奉 行 遂

豪格於獄 既而釋之

兵部尚書 洪承疇 被攝政王多爾袞 等 殄滅 流寇 從之

敬畧曰 滅賊宜先宣布 示以不屠人民 不焚廬舍 不掠

財物之意 而各府縣 開門 歸降 官則加陞 軍民 仗義 無

犯有首倡 內應者 彼格封賞 流寇得京城 財足氣驕 今

宜計道里 限時日 輜重 在後 精兵 在前 從 冀州 密雲 近

京處所 疾行 而前 賊走 則追 剿 倘仍據 險城 則撲 滅 更

國朝典故

順治元年 一 漢文閣

易流寇十餘年來 用兵已久 雖不能與 大軍 抗拒 亦未

可以 昔日 漢兵 輕視 也 多爾袞 納之時 大兵 破 李自

成 山海關 自成 奔 還 京師 歸 奔 山西

王申 睿親王 多爾袞 師 次 翁後 明平 西伯 吳三桂 遣 副將

楊珮 等 致 書 攝政 王多爾袞 多爾袞 報之 吳三桂 降

三桂 書 畧曰 先帝 不幸 九廟 灰燼 泣血 求助 滅流寇 於

宮廷 則我朝 之報 北朝 豈惟 財帛 將裂 地以 酬王 得書

報曰 向欲 與明 修好 若今日 則不復 出此 惟有 底定 國

家 與民 休息 而已 昔管 仲射 桓中 鉞 後用 爲仲 父 伯若

率眾 來歸 必封 以故 比 晉爲 藩王 世享 富貴 如山河 之

承也。○吳三桂字長白，高郵人。父襄官提督，先是三桂持千金買名妓陳沅為妾，城陷吳襄與陳沅皆為李逆所掠，至是三桂降於我。

丁丑師次連山。○戊寅師次山海關。

師駐關外十里一石，遇賊唐通我兵數百騎擊敗之。○己卯封吳三桂平西王。

王命三桂兵以白布飾肩為號，大敗賊兵，追殺四十里。是日大風迅作，塵砂蔽天，諸軍齊進，風遂止，賊遁北京。獲駙馬緞幣無算，晉吳三桂爵平西王，予馬步兵一萬。壬午師次撫甯。○癸未次昌黎。○甲申次灤州。○乙酉次

國朝掌故輯要

順治元年

八

鴻文閣

開平衛。○丙戌次玉田。○丁亥次羅公店，薊州監軍道李永昌迎降。○大學士范文程建議討賊。

議曰：自李逆猖狂中原，塗炭近且，傾覆京師，朕厭君后此必討之賊也。雖擁眾百萬，然揆其敗道有三：一、過殫其王，天怒矣；二、刑辱播紳，拷劫財貨，士憤矣；三、掠民費財，淫人婦女，火人廬舍，民恨矣。備此三敗，行之以驕，可一戰勝也。尋草檄宣佈，言大兵之來為爾等復君父仇，非敵百姓也。今所誅惟李逆，官來復其官，民來復其業，必不爾害，民心大安。

五月戊子朔，師次通州，百姓迎降。○己丑，大兵定燕京。

多爾袞與吳三桂追李逆，李逆挾太子二王遁陝西，大兵入北京，故明官員出迎五里外，多爾袞進朝陽門，老幼焚香跪迎，內監以故明鹵簿都督陳皇城外，跪迎道左，故王乘輦，王曰：予法周公輔沖主，不當乘輦，眾曰：周公負展聽政，今宜乘輦，乃令內薄向宮門陳設，百姓安，莫敢毫勿犯。

辛卯，以帝禮葬明帝，詔吏民服喪三日。○故明大學士馮銓來歸。○明兵部尚書史可法奉福王出嶽歸南京。福王立南京，建元宏光，以史可法為東閣大學士，總兵劉澤清、劉良佐、黃得功、高傑分駐淮安、壽春、儀徵、瓜州。

國朝掌故輯要

順治元年

九

鴻文閣

四鎮時五月十五日。

六月戊午，定內院票擬。

大學士馮銓、洪承疇言：明制臣工條奏，下內閣票擬，奏請裁定，已釋批紅者，仍由內閣分發各部院，以後用人行政，乞發內院票擬，奏請裁定施行。攝政王從之。

壬戌，明益王行，日思宗、烈皇帝尋改諡毅宗。○丁卯，攝政王多爾袞議建都燕京，遣輔國公屯齊哈和託等齎奏迎駕。○庚午，太白見，有白氣自西南至東北。○癸未，遣馮銓祭故明太祖及諸帝，遷於別所。○禁軍民侵擾聖賢祠廟。○甲申，以故明太祖神牌入歷代帝王廟。○乙酉。

詔內外各衙門印信並鑄滿漢字樣。○秋七月己亥，設故明長陵以下十四陵司香內使各四人。○王子攝政王多爾袞致書明東閣大學士史可法。

書云：予向在瀋陽，即知燕京物望咸推司馬，後入關破賊，得與都人士相接，識介弟。史可法之名於稱班，曾託其可避賊陷來歸。

手泐平安，奉致衷結，未審以何時得達。比聞道路紛紛，多謂金陵有自立者，夫君父之讐，不共戴天，春秋之義，有賊不討，則故君不得書葬，新君不得書即位，所以防亂。臣賊子法至嚴也。聞賊李自成稱兵犯闕，手毒於親

國朝掌故輯要

順治元年

十

一 鴻文閣

中國臣民不聞加遺一矢，平西王吳三桂界在東陞，獨效包胥之哭。朝廷感其忠義，命累世之宿奸棄近日之小嫌，爰整貔貅，驅除衆穢。入京之日，首崇懷宗帝后，諡號卜葬山陵，悉如典禮。親郡王將軍以下，一仍故封，不加改削。勲戚文武諸臣，咸在朝列，恩禮有加。耕市不驚，秋毫無擾。方擬秋高氣爽，遣將西征，俾檄江南，連兵河朔，順師翰旅，僂力同心，報乃君國之仇。彰我朝廷之德，豈意南州諸君子苟安旦夕，弗審事機，聊慕虛名，頹忘實害，予甚感之。國家之撫定燕京，乃得之於闖賊，非取之於明國也。賊燬明朝之廟社，辱及先人，我

國家不憚征縛之勞，悉索敵賊，代為雪恥。孝子仁人當如何感恩圖報，茲乃乘逆寇稽誅，王師暫息，遂欲雄據江南，坐高漁人之利，揆諸情理，豈可謂平。將以為天塹不能飛渡，投鞭不足斷流耶。夫闖賊但為明朝祟耳，未嘗得罪於我。國家也，徒以蕪海同仇，特申大義。今若擁號稱尊，便是天有二日，儼為勦敵。予將簡西行之銳，轉旆東征，且擬釋彼重誅，命為前導。夫以中華全力，受制潢池，而後以江左一隅，兼支大國，勝負之數，無待言。龜矣。予聞君子之愛人也以德，細人則以姑息。諸君子果識時知命，篤念故主，厚愛賢王，宜勸令削號歸藩，永

國朝掌故輯要

順治元年

十一

一 鴻文閣

綏福祿。朝廷當待以虛尊，統承禮物，帶礪山河，位在諸王侯上，庶不負。朝廷申義討賊，興滅繼絕之初心。至南州羣彥，翩然來儀，則爾公爾侯，列爵於土，有平西王之典例在。惟執事實圖利之，晚近士大夫好高樹名義，而不顧國家之急，每有大事，輒同棄舍。昔宋人議論未定，兵已渡河，可為鑒。先生領袖名流，主持至計，必能深維終始，審忍隨俗，擇沈取舍，從違應早審定。兵行在即，可慮可東，南國安危在此一舉。願諸君子同以討賊為心，毋貪一身瞬息之榮，而重故國無窮之禍。為亂臣賊子所笑，予實有厚望焉。記有之，惟善人能受書言。

敬佈腹心，仲明明教。江天在望，延致為榮。書不盡意。

癸丑雨雹。○乙卯以故明諸帝遺像同歷代帝后像藏通集庫。○八月丙寅葬。昭陵。○乙亥。車駕發盛京。○九月己亥建堂于。○明大學士史可法覆書攝政王不植。

書云南中向接好音，法隨遣使問訊。吳大將軍未敢違通左右，非委隆誼於草莽也。誠以大夫無私交，春秋之義，今倥偬之際，忽奉琬琰之章，前不齊從天而降也。循讀再三，股股致意，若以逆賊尙稽天討煩。貴國憂法且感，且愧懼左右不察，謂南中臣民偷安江左，竟忘君父之仇，故為。貴國一詳陳之，我大行皇帝敬天法祖。

國朝掌故輯要

卷之四 十一

漢文閣

勤政愛民，真堯舜之主也。以庸臣誤國，致有三月十九日之變，法行罪南樞，救授莫及。師次淮上，凶問遂來。地坼天崩，山枯海泣，嗟乎！人孰無君，雖肆法於市朝，以為泄泄者之戒，亦奚足謝先皇帝於地下哉！爾時南中臣民哀痛如喪考妣，無不捐肝切肉，欲悉東南之甲立剪克仇，而二三老臣謂國破君亡，宗社為重，排與迎立，今上以繫中外之心，今上非他，神宗之孫，光宗猶子，而大行皇帝之兄也。名正言順，天與人歸。五月朔日，駕臨南都，萬姓夾道歡呼，聲聞數里。羣臣勸進，今上悲不自勝，讀再讀三，僅允監國。迨臣民伏闕，屢請始以十五日正

位南都，從而集河瑞瑞，非一。即告廟之日，紫雲如蓋，福文升霄，萬目共瞻，朕傳盛事。大江湧出，楫杵數十萬，助修宮殿，豈非天意也哉！越數日，遂命法師師江北，刻日西征，忽傳我大將吳三桂借兵。○貴國破走逆賊，為我先皇帝后發喪，成禮，掃清宮闕，撫輯羣黎，且罷薙髮之令，示不忘本朝。此等舉動，振古鑠今，凡為大明臣子，無不長跪北向，頂禮加額，豈但如明論所云感恩圖報已乎！謹於八月，薄治僮僕，遣使領謝，恭謝命鴻裁，連兵西討，是以王師既發，復次江淮，乃欲明誨，引春秋大義來相詰責，善哉！善哉！推言之，然此文為列國君堯

國朝掌故輯要

卷之四 十一

漢文閣

世子應立，有賊未討，不忍死其君者，立說耳。若夫天下共主，身殉社稷，青宮皇子，慘變非常，而猶拘守不即位之文，坐昧大一統之義，中原鼎沸，倉猝出師，將何以維繫人心，號召忠義。紫陽綱目，踵事春秋，其間特書如莽、若漢、鼎光武中興，至廢山陽，昭烈踐跡，憤慨亡國，晉元嗣基，徵欽業，宋高糾統，是皆於國仇未剪之且亟正位號。綱目未嘗斥為自立，率皆以正統予之。甚至如元宗幸蜀，太子即位，於賊武議者，疵之亦未嘗不許以行權。幸其光復舊物也。本朝傳世十六，正統和承，自治冠帶之族，權絕存亡，仁恩起被。貴國昔在先朝，夙膺對

號職在盟府甯不聞乎。今痛心本朝之難除亂逆可謂大義復著於春秋矣。昔契丹和宋正歲輸以金緡回紇助唐原不利其土地況貴國爲念世好兵以義勦萬代瞻仰在此一舉若乃乘我蒙叛乘奸崇仇窺此幅隕爲德不卒是以義始而以利終爲賊人所竊笑也。貴國豈其然乎。往者先帝軫念潢池不忍盡僇刺撫互用貽誤至今。今上天縱英明刻刻以復仇爲念廟堂之上和衷體國介冑之士飲泣枕戈忠義民兵願爲國死竊以爲天亡逆國當不越於斯時矣。語曰樹德務滋除惡務盡。今逆賊未服天誅諜知捲土西秦方圖報復此

國朝掌故輯要

順治元年

南

鴻文閣

不獨本朝不共戴天之恨抑亦貴國除惡未盡之憂伏乞堅同仇之誼。今始終之德合師進討問罪秦中其泉逆賊之頭以洩數天之憤則貴國義即照耀千秋本朝國報惟力是視從此兩國世道盟妖傳之無窮不亦休乎。至於牛耳之盟本朝使臣久已在道不日抵燕奉盤盂從事矣。法北望陵廟無涕可揮身蹈大僇罪應萬死所以不即從先帝者實爲社稷之故。傳曰竭股肱之力繼之以忠貞法處今日鞠躬致命克盡臣節所以報也。惟殿下實昭鑒之宏光甲申九月十五日。甲辰 帝自正陽門入宮。庚戌定樂章曰平。壬子恭

奉 太祖武皇帝 太宗文皇帝 神牌入廟。○冬十月乙卯朔 上親詣 南郊告祭 天地。○皇帝位 帝定鼎燕京頒正朔於中外。越十日甲子 帝御 皇極殿頒 詔畧曰我 國家受 天眷佑締造東土列祖肇興鴻業 皇考式廓前漢遂舉舊邦誕膺 新命造朕躬及越在冲齡敬念紹歷承綏厥位頃緣賊氛游熾稱禍中原是用倚任親賢救民塗炭乃方馳金鼓旋奏激憤既解國懸非富天下而王公列辟文武羣臣暨軍民耆老合詞勸進懇請再三乃于今年十月初一日祇告 天地 宗廟 社稷。○皇帝位 仍建有天

國朝掌故輯要

卷一 順治元年

五

鴻文閣

下之號曰 大清 定鼎燕京紀元順治編維 峻命不易創業尤難況當改革之初更屬變通之會爰乃準今酌古揆天時人事之宜庶幾吏習民安新 祖功示德之大勳隆懿親從優封賞悉除故明加派諸弊賊民開通賦概行豁免故明建書監諸臣及山林隱逸所在以聞。民年七十以上給之粟帛吏民人等從前一罪罪犯咸赦除之宏敷大賚式沛新恩惟爾萬方與朕一體等 詔開經筵祀 闕里修各處帝王陵寢 詔禁內監入班行禮 戶部給事中郝傑奏明末寵任廢衙致內監杜勳等開

門迎賊請禁內監入班行禮從之

甲子加封多爾袞叔父攝政王

冊文畧曰 太祖肇基鴻業 太宗嗣位 西併蒙古東

臣朝鮮 擴土開疆 皇考命叔父征討元裔 察哈爾俘

其右妃世子 獲制詰玉寶及隨 皇考平朝鮮各處征

伐皆叔父倡謀出奇 叔父幼而正直 義無隱情 體國

忠貞 勛成大業 皇考特加愛重 賜以寶冊 先封和碩

睿親王 又輔朕登極 佐理朕躬 思功德高於周公 昔

周公奉武王遺命 輔立成王 代理國政 盡其忠孝 皆武

王已成之業 我 皇考上賓之 高宗 宗室諸王 人人覬覦

國朝掌故輯要

卷一

去

滿文閣

有援立叔父之謀 叔父堅誓不允 念 祖宗創業艱難 克彰大義 將宗室不軌者 盡行處分 以朕係 文皇帝 子 不為幼冲 竊位 叔父又率領大軍 入山海關 破賊兵二十萬 還取 燕京 撫定中夏 迎朕來京 膺受大寶 此皆周公所未有 而叔父有之 碩德豐功 宜昭揭天下 用加崇號 封為叔 父攝政王 錫之冊寶 復 賜秩十三顆珠頂

丁卯 加封鄭親王濟爾哈朗為領義輔政叔王 復肅親王 豪格 晉封武英郡王 阿濟格 豫郡王 多鐸 俱為親王 ○ 癸酉 命和碩英親王阿濟格 為靖遠大將軍 師西討李

自成 ○ 定攝政廢親王多爾袞 冠服房 樓制

帽頂東珠十三顆 金佛前嵌東珠七顆 後金花嵌東珠

六顆 帶每板嵌東珠六顆 猶睛石一顆 帶川淺黃 服用

八團龍 坐褥冬貂皮 夏縐龍 房基高十四尺 樓三層 覆

以綠瓦 脊四邊俱用金黃色

命和碩豫親王多鐸 為定國大將軍 師征江南 ○ 定諸

王貝勒貝子公等 冠服官室之制 ○ 十一月 設看守故明

十一陵 陵夫 神宗萬曆 崇禎 二 ○ 張獻忠 僭號於成都

稱大順元年 崇禎六年 明安光元年 是年六月 月去光 說自明亡 春二月 明翰林院修撰陳名夏

國朝掌故輯要

卷一

去

滿文閣

降 ○ 李逆自成 奔商州 三秦底定

豫王移南伐之師 直搗 附英王秉西征之旄 濟自綏

德旬月之間 全秦底定 李逆奔商州

授誠州總兵許定國 忻州鎮將興平伯高傑 河南平 李

成棟 降 ○ 以祁素格 為內宏文院大學士 ○ 三月 甲申 登

定歷代帝王廟祀

先是 明祀元世祖 不及遼金 各帝 至是 祀遼太祖 以耶

律魯 附祀 金太祖 金世宗 以完顏 粘沒罕 完顏 幹 附祀

元太祖 以木華黎 伯顏 附祀 並以明功臣 徐達 劉基

附祀 歷代帝王廟